



AWIG-AWIG
DESA PAKRAMAN TEGES



PERBEKELAN PEMPATAN, KECAMATAN RENDANG
KABUPATEN KARANGASEM
PROVINSI BALI
2009

MAKA BANTANG AWIG-AWIG
DESA PAKRAMAN TEGES

MURDA GITA

- Pratamas sargah : Aran lan wewidangan desa
Dwityas sargah : Patitis lan sami kukuh
Trityas sargah : Sukerta tata pakraman

Palet 1. Indik Krama

Palet 2. Indik Prajuru

Palet 3. Indik Kul-kul

Palet 4. Indik Paruman

Palet 5. Indik Druwen desa

Palet 6. Indik Sukerta pamitegep

Kaping 1. Karang lan tegal

Kaping 2. Kekayonan

Kaping 3. Wewangunan

Kaping 4. Wewalungan

Kaping 5. Baya

Kaping 6. Penyanggran desa

Kaping 7. Indik pariwerti

Gaturtas sargah: Sukerta tata agama

Palet 1. Indik Dewa Yadnya

Palet 2. Indik Rsi Yadnya

Palet 3. Indik Pitra Yadnya

Palet 4. Indik Manusa Yadnya

Palet 5. Indik Buta Yadnya

Panca mas sargah: Sukerta tata pawongan

Palet 1. Indik pawiwahan

Palet 2. Indik Nyapian

Palet 3. Indik Sentana

Palet 4. Indik Warisan

Sadmas sargah: Wicara lan pamidanda

Palet 1. Indik Wicara

Palet 2. Indik Pamidanda

Palet 3. Indik Rerampagan

Sapta mas sargah: Nguwah nguwuhin Awig-awig

Asta mas sargah: Pemuput

MURDA GITA

OM AWIGNAM ASTU NAMA SIDHAM

Putusing paseban Krama Desa Pekraman Teges gumawe awig- awig desa pekraman maka sepat siku-siku pamatut, wastu kasidan prayojanam mami kabeh presama angidep aken muah amanggehaken kadi linging awig- awig iki.

Desa pakraman wantah marupa pasayuban krama desa rauhing kaluwarga pawongannya, manut dresta desa kamanggehang bhuwana agung, pawongannya soang-soang punika bhuwana alit, kalih malarapan cantu jagaditha, sinanggeh murdaning prayojama pangriptaning awig- awig.

**PRATAMAS SARGAH
ARALAN WEWEDANGAN DESA**

PAWOS 1

1. Desa pekraman puniki mewasta Desa Pakraman Teges
2. Jinbar kakuwub wewidangannya mawates nyatur:
 - Ha Sisi kaler : Desa Pekraman Waringin
 - Na Sisi kangin : Dusun Keladian
 - Ca Sisi kauh : Desa Pekraman Alasngandang
 - Ra Sisi Kelod : Desa Pekraman Pempatan
3. Desa pekraman puniki kawangun antuk karang ayahan Desa miwah gebogan krama.

**DWITYAS SARGAH
PATITIS LAN PAMIKUKUH**

PAWOS 2

Desa pekraman ngemanggehang pamikukuh minektadi:

- Ha. Pancasila
- Na. Undang- undang dasar 1945
- Ca. Tri Hita Karana manut sada cara Agama Hindu

PAWOS 3

Luir patitis Desa Pekraman Teges

- Ha. Mikukuhang miwah ngerajegang Agama Hindu
- Na. Nginggilang tata cara prawertini meAgama
- Ca. Ngerajegang pasukertan Desa saha Pawongannya sekala kalawan niskala
- Ka. Ngamikukuhin awig-awig, pararem lan pasuara

TRITYAS SARGAH
PALET I
INDIK KRAMA

PAWOS 4

1. Sane kabawos krama Desa Pekraman inggih punika kulawarga sane meagama Hindu saha ngemong tanah ayahan Desa jumenek utawi kerob ring wewidangan Desa
2. Sejaba punika sinanggeh tamiu. Luire: sane meagama Hindu miwah seosan ring meagama hindu
3. Kapatutane krama Tamiu:
 - Ha. Krama Tamiu patut medana punia ring Desa Pekraman manut pararem
 - Na. Krama tamiu polih petitis marupa pitilung ring sejeroning ketiban panca baya.

PAWOS 5

Krama Desa Wenten 4 (petang) soroh luire:

- Ha. Krama ngarep: kulawarga sane ngemanggehang karang miwah tegal ayahan desa
- Na. Krama tapukan: kulawarga manut aksara Ha saka wenten durung antes ngayah
- Ca. Krama bale angkep: kulawarge sane tanpa karang lan tegal ayahan Desa Sakewanten sampun mawiwaha.
- Ra. Sekaa Truna: kulawarga sane ngawit mayasa: 13 (tetulas) warse ngantos 35 (sasur) warse sake dereng mawiwaka

PARAGRAF 6

1. Analisis, deskripsi dan interpretasi

a. Analisis: menguraikan isi, struktur, dan gaya bahasa pada suatu paragraf.

b. Deskripsi: menggambarkan isi dan struktur paragraf.

c. Interpretasi: menafsirkan makna (maksud) paragraf yang terdapat dalam suatu konteks yang lebih luas.

d. Analisis: menguraikan isi, struktur, dan gaya bahasa pada suatu paragraf.

e. Deskripsi: menggambarkan isi dan struktur paragraf (maksud) paragraf yang terdapat dalam suatu konteks yang lebih luas.

f. Interpretasi: menafsirkan makna (maksud) paragraf yang terdapat dalam suatu konteks yang lebih luas.

PARAGRAF 7

Paragraf yang terdapat di:

1. Mewakili paragraf yang sangat penting untuk upaya paragraf (Nisi ini tidak ada arti).

2. Satu-satunya paragraf yang terdapat di:

PARAGRAF 8

1. Seluruhnya terdapat di: (tidak ada arti) (tidak ada arti)

2. Hanya terdapat di: (tidak ada arti) (tidak ada arti)

Ca. Krama bala angkep keni urunan manut perarem.

Ra. Seka truna utawi dehe truna keni petedunan manut pinunas krama desa.

Ka. Prade rikalaning ngayah wenten sinalih tunggil krama matilar sedereng puput karya tanpa sadok ring prajuru, krama inucap keni dosa

PAWOS 9

Krama desa kadadosang:

Ha. Mapuangkil utawi, tan tedun luwire:

1. Kapiambeng katuju sungkan raat
2. Kapiambeng katuju metepetin keluarga sungkan raat
3. Kapiambeng ritat kala kelayu sekaran ngantos upacara nyeeb Brahma (masapuh-sapuh) lan pengapit, pemapas, sesuen tigang rahina
4. Kapiambeng ngeraja swala
5. Kapiambeng karya suka duka utawi nangun karya (manut perarem)
6. Kapiambeng nemakuh, utawi ngerebin wewangunan miwah sane tiyosan manut pangletika prajuru.

Na. Nyada: Nyerahang ayah kangkat ngawit mayusa 65 (nem dasa lima) warsa turmaning yening saking krama ngarep, mangde wenten nyuksukin ngangge ilikita, sejabe wenten parindik tiyos manut perarem.

- Ca. Luput petedunan pesu-pesuan kengin sangkaning dados sedeka, pemangku desa, pemangku khayangan tiga, sane cedangga banget tur maduc roban sane patut nedunin anake alit ubuh ngantos mungah dehe truna lan tiyosan manut perarem.
- Ra. Petajuh sampun wenten nyeledinin olih sentanane sane merabian pinih alit.
- Ka. Nekel utawi ngelage, nutug ayahan antuk berana manut paetangan desa sangkaning kajudi antuk sang mewarat utawi jenek ring dure desa ngerereh pakaryan manut perarem

PAWOS 10

Wusan Dados Desa Pekraman

Ha. Sangkaning

1. Pinunas ngeraga sangkaning kesah kedura desa, utawi ngelangkung segara.
2. Kanorayang dwaning sampun tan prasida ngesehen solah mapracawerti setata mamurug kecaping awig-awig
3. Seda utawi camput

Na. Sang wusan mekeramea patut ngaturang ayahnya ke desa, saha tan polih pah pahan sangkaning parduwen Desa.

Ca. Prade sang wusan mekrame pecak, ayat mekrame malih, kaangkat yening sampun kecuponin antuk krama saha patut naur penaub mekrame manut perarem

PALET 2

INDIK PRAJURU UTAWI DULUN DESA

PAWOS 11

1. Desa Pakraman ke enter antuk Bendesa Adat.
2. Banjar ke enter antuk Kelian Banjar
3. Bendesa Adat patut :

Ha. Mawiwit sakeng krama desa nagrep.

Na. Keadegang malarapan antuk paruman, saha prajuru soang-soang taler keadegang nyabran 5 (limang) warsa, sejawaning nenten parindik tiyos keangkat kapilih malih.

Ca. Patut nincapang kawuruhan ring sulur agama Hindu miwah pakraman turmaning tan cedaangga , cede budi lan sapanuggalannya saha tan kapialang antuk uger-uger panegara.

Re. Maduluran dewa saksi ring pura bale agung utawi pura desa, kesarengin antuk prajuru tiosan.

PAWOS 12

1. Bendesa adat kesanggra antuk :

Ha. Pangliman penaka wakil Bendesa

Ne. Panyarikan pinaka juru surat

Ce. Patengen Penaka pangemong drowen desa

Re. Kasinoman pinaka juru arah .

2. Sejeronig ngenterang kasukartan niskala krama desa patut mingsingghakang pemangku ring kahyangan desa.

PAWOS 13

1. Swadarmanig bendesa adat luwire :

Ha. Ngenterang pemargi sedaging awig-awig perarem desa.

Na. Nuntun tur ngenterang krama serauhing warga desa ngupadi manut patitis.

Ca. Mawosin kalih niwakang pamutus arep ring wicara desa

Ra. Ulaka duta matemuang bawos ring sape sire ugi.

2. Prade Prajuru iwang pengelaksane keni pamidanda ring kawiwangan soang-soang saha kangkat kanorayang manut perarem.

3. Prajuru ngadegang panglingsir utawi pamucuk sinanggeh kerta desa, sane mawiwit saking krama, akeh swdarmannya manut perarem.

PAWOS 14

Patitis utawi olih-olihan prajuru luwire :

Ha. Luput rerampen (pepesoan)

Na. Polih kalih tanding utawi sarma

Ca. Polih pelaba pura tanah desa.

Ra. Olih-olihan tiosan manut perarem.

PAWOS 15

1. Prajuru desa kagentosin riantuk :

Ha. Seda.

Na. Kagentosin nyabaran 5 (limang) warsa utawi sampun tugtug panemaya

- Ca. Wi sakti pakyun rahayu utawi pinunas ngeraga, saha wenten patut kaingcupin antuk krama.
- Ba. Kawosyang buaning iwang pemangi nilar sesame.
- Ka. Sangkaning sampun medue patajuh utawi penyelidi oke lanang pinih ali.
2. Ngawosyang utawi ngetosin prajuru utawi dulu patut ring sajroning paruman saha kaingcupin antuk krama desa.

PALET 3

INDIK KUL-KUL

PAWOS 16

1. Kul-kul ring desa pelraman teges luire :
- Ba. Kul-kul desa pelraman
- Nb. Kul-kul banjar pelraman
- Ca. Kul-kul sekaw.
2. Tabuh tepakan desa.
- Ba. Atuladar lambat tengeran tedun ngeyah utawi parum .
- Nb. Atuladar ke tepak ping tiga tenger krama nganten kedura desa
- Ca. Kalih tuladar bulus tengeran kapancabeya
3. Sang tepak tan sangkaning pituduh, tur tepakannya nenten manut ring wiguna ke denda gung arta manut perarem.

Na. Tan kalugra ngewetuang suara goro uitawi byuta, yen wenten asapunika
keni pamindanda manut perarem.

Ca. Pamutus kabaos beriuik sepanggul (ingkup) punika kemanggehang prade
tan prasida suara makehan pinaka pamutus.

Ra. Yening krama desa mamurung ring awig-awig inucap ke denda gung arta
manut perarem.

3 Prade daging peparuman tan ke ingkupun mangda prajuru desa ngilikang
bebawos, saha putusannya mangde keraremin antuk krama desa bilih tan
prasida kasungkemin prajuru wenang nunas bebaos ring kerta desa lan sang
ngewewenang.

PAWOS 19

1. Sajeroning pauman Desa, Bendesa adat patut nyiarang pamargi ngenterang
desa pamekas ngeninin indik :

Ha. Munjuk lungsur ring pekraman saha ayah-ayah sulur arta berana druwen
desa .

Na. Prajuru ngrincikang nganinin usaha Desa kapungkur .

2. Pamutus paruman desa sinanggeh perarem maka pamitegep pemargin awig-
awig

PAWOS 20

1. Sangkepan prajuru kawenangan ngarincikang pengrencana usaha desa
kapungkur.

PAWOS 20

1. Sangkepan prajuru kawenangan ngarincikang pengrencana usaha desa kapungkur.
2. Sangkepan prajuru tan kawenangan ngemedalang tegenan ring kram sadereng kaingkupin antuk karam desa
3. Pamutus sangkepan prajuru ngawetuang pasuara, maka pidaging pituduh sang ngawenagang utawi ngonekang perarem krama desa

PALET 5

PAWOS 21

Padruwen Desa Pekraman Teges sekadi ring sor:

1. Pura kahyangan tiga : Pura Dalem, Pura Puseh, Bale Agung, Merjapati, Pura Beji
2. Tanah Pelaban Pura kahyangan tiga : Pura Bale Agung, Pura Puseh mwang Pura Dalem lan Pura Prajapati .
3. Tanah ayahan Desa saha telajakania.
4. Setra apelebahan taler kadruwenang sareng antuk krama Desa Pekraman.
5. Gong Barungan.
6. Lembaga Perkreditan Desa utawi LPD
7. Ilen-ilen wewalian sekadi : Rejang, Pendet
8. Tiyos-tiyosan sane pacang manggih druwen desa
9. Lekita-lekita luire: pipil krama awig-awig, pones mahkamah agung
10. Tetanduran gesing
11. CBD.

PAWOS 22

Olih-olihan desa pekraman Teges

- Ha. Urunan krama desa pekraman.
- Na. Paican saking guru wisesa.
- Ca. Olih-olihan saking pelaba pura lan laba desa.
- Ra. Pacian-pacian utawi usaha tiyosan sane patut.

PAWOS 23

1. Prajuru utawi ulun desa wenang ngetangang duwen desa.
2. Pikolih krama desa kangkat keanggen prabiya saha wewangunan ring pura miwah anggen kabuatang desa pakraman .
3. Nyabran pesangkepan utawi nyabran usan ngaturang wali, prajuru utawi ulun desa pangemong druwen desa ngawentenang paruman munjuk lungsur praduwe ring krama desa.
4. Sakaluwiring druwen desa patut wenten ilikitanya .
5. Tan kalugra ngadol, nyepih utawi ngesahang padruwen desa yan tan kasungkemin antuk krama desa.
6. Indik kawentenang Lembaga Perkreditan Desa (LPD) ngangge tata cara utawi pemargi manut perarem.

PALET 6
SUKERTAN PAMI TEGEP
KAPING 1
KARANG LAN TEGAL

PAWOS 24

1. Krama desa pengemong karang desa patut ngawatesin karang inucap antuk pagehan utawi tembok mangde pekantenanya asri turmaning mangde mapemedal kemargine (nenten wenten karang kabengbeng).
2. Wates sisi kelod miwah kauh patut kekaryanin antuk ngemong karang inucap sane mawasta magalengkebeten utawi pategalan .
3. Prade kesayang pagehan/turus inucap ngelikadin yan pada arsa peryangdinge nganggen pinget kawenten kasaksinin antuk prajuru desa utawi nganggen wates pal.
4. Prade wenten karang kabengbeng kautsahayang wenten pamarginnya.

PAWOS 25

1. Sinalih tunggil krama tan kalugra :
Ha. Ngalah-alah margi, karang lan sepenugglanya,
Na. Ngalah-alah tanah tegak kahyangan, setra lan sekancan sinanggeh suci.
2. Prade wenten kadi ring ajeng sang ngelalah patut ngawaliang tanah inucap saha keni pamidanda sepatutnya (manut perarem).

KAPING 2
PEKAYONAN
PAWOS 26

1. Ngawit nandur pepayoman utawi tanemtuuh patut adepa agung ngejeroang saking wates. Prade ngeliwat wates dados wicara patut kesepat ngantungin.
2. Yening wenten tetanduran ngungkulin, semaliha mawasta mayanin kepitaga patut kawara antuk paiguman, mangda sang nruwenang wit ngarebah utawi notor.
3. Prade sampun kawaretan wenten usaha sang neruenang, wit sangrumasa ketetehan utawi kajerihan wenang masadok ring prajuru, patut kaparitasang antuk prajuru kawentenang yening sampun ngalintang patut karebah.
4. Yening wenten papayon ngantos nepen wawangunan utawi mapunggulan patut keni pameretiste tur ngawaliang prebea wawangunan manut perarem.
5. Krama desa patut ngewerdiang tanem tuwuh sane ngawinang desane asri tur lestari. Saha tan kaputurang ngarebah sadurung polih wak-wakan prajuru utawi guru wisesa.

KAPING 3
WEWANGUANAN
PAWOS 27

1. Nyabran ngewangun patut :
 - Ha. Masadok ring prajuru, ping ajeng prade wewangunan ngeninin wates.
 - Na. Ngangge geguluk, asta bumi miwah asta kosala kosali senistane manut ring patitis niskala.
 - Ca. Tan Nyayubin kepisaga
 - Ra. Tan dados ngembahang toye kepisaga
2. Prade wenten wewangunan ngantos ngayubin tembok pisaga yan sampun kawara tur kasadokang ring prajuru kapidanda manut perarem. Tur kabubar tembok inucap sanistane kekaryanang abangan.

KAPING 4
WEWALUNGAN
PAWOS 28

1. Sehanan warga desa sane miara wewalungan patut sayaga minetin/negul/ngelogor mangde tan marusak karang utawi peabianan krama tiyos, bilih-bilih ngantos ngaletihin kayangan.
2. Prade wenten ngelunbar wewalungan utawi ngeleb ngerusak pabian krama tiyos risampun kuwara dados ketaban /kedanda ngewaliang wit sane karusak antuk pengarganyane tur nebus ketabana manut perarem .

3. Prade ngantus ngelelehin genah suci, minekadi pemerajan (sanggah) pura kabersihan tiga. Sang medrowe wewalungan keni pemerastiste, tebusan dumanggula utawi panca sata bebek belangkalung .
4. Krana desa patut nyanggra wewalungan miwah sarwaprati tur tan kepatut marasin sane preside ngicalang kawerdian inucap sadereng wenten wak-wakan saking prajuru utawi guru wisesa.

KAPITG 5

BHAYA

PAWOS 29

1. Parindik bhaya lumire: jiwa bhaya, arta bhaya, dura care ring agama lan sane tiyosan.
2. Sang manggihin kahanan jiwa bhaya, patut nepak kul-kul bulus manut 3 tuludan.
3. Prade ring desa kahanan jiwa bhaya patut desa ngaturang bhuta yadnya tur sang meyanin katur ring sang ngewewenang saha kadanda manut perarem.
4. Prade wenten jatma mamisuh utawi nguman-nguman jatma tiyos kekeninin⁹ pamidanda bea pecanil tebusan presista.

PAWOS 30

1. Sang manggihin kahanan arta bhaya (kepandangan) patut ngulkul 2 tuludan bulus utawi kemalingan tur nguningayang ring prajuru. Desa sane nibang utawi nenten manut uger-uger guru wisesa saha kaweweh pengaskara prade wenten jatma ngemaling barang sinanggeh suci.

2. Pratingkahe mapailon ring dusta kabawos saroso prade wenten manggihin maling tan nyadokang ring prajuru ngantos jatma tiyos nyadokang patut kadanda kadi danda maling. Akeh nyane (manut perarem). Yening wenten ngantos pang 3 memaling wenang keaturang ring angawarat.
3. Prade wenten jatma ngerereh reramon minekadi : taru, saang, daun kelapa, busung, ron lan sepanunggalannya tan pesadok ring sang nerwenang, prade ke cunduk, keni pamidanda manut perarem.

KAPING 6

PENYANGGRA BANJAR

PAWOS 31

Krama desa rikala ngawentenang karya suka duka patut kesangga antuk banjar.

Ha. Prade ngwangun pitra yadnya utawi yadnya sane tiosan patut kesangga/
karemba antuk krama banjar manut pinunas sang meyadnya.

Na. Penguingu rikala pitra yadnya manut abot dangan yadnya.

KAPING 7

INDIK PARIWERTI

PAWOS 32

1. Sehanan warga desa pekraman tan kapatutang majemuhan, ngutang laluhu ngemahang toye ring margi aguug tur ring genah sane nenten kapatutang sane prasida ngincalang pasukantan desa pakraman prade amurung keni pamidanda 5 kg beras.

2. Krama desa patut ngawerdiang ring sejeroning setra pekrman nandur sarwa sari mangda setra inucap pekantenange asri.
3. Telajakan karang sanc marep ring margi agung, merajan, karang sikut satak patut kapiare nyambran rahina tur ketandurin sarwa sari.
4. Sahanan warga desa pekraman patut mabersih-bersih nyabran rahina ring karang parumahan sami saking telajakan sami, ring ajeng rauhing got/kalen margi agung.
5. Sehanan warga desa pekraman kepatutang madruwe genah mebacin.

CATUR SARGAH

SUKERTA LAN TATA AGAMA

PALET I

INDIK DEWA YADNYA

PAWOS 33

- 1) Pelinggih Penyiwian sawidangan Desa Pekraman Teges Iwire:
 1. Kahyangan Tiga, Pura Puseh, Pura Bale Agung, Mwah Pura Dalem.
 2. Pura Bale Patok
 3. Pura Merajapati
 4. Pura Pesucian
- 2) Rahina Piodalan soang-soang kahyangan kadi ring sor
 1. Pura Puseh lan Pura Bale Agung : Purnama Kalima
 2. Pura Dalem, Pura Merajapati rikala : Buda Wage Ukir
 3. Pura Bale Patok rikala : Tilem Kesanga

- 3) Pengaci ring Pura-pura inucap manut kecap Sastra Agama saha kalaksanayang nista, madya, utama.
- 4) Rikala ngelaksanayang piodalan utawi karya, sedurung ngemargiang pamuspaan patut kariyinin antuk Tri Sandya.
- 5) Soang-soang Pura inucap ring ajeng ka empon antuk krama.

PAWOS 34

1. Ring soang-soang pura inucap patut ngadegang Pemangku.
2. Ngadegang pemangku inucap (angka 1) manut dudonan :
 - Ha. Nyanjan utawi masemurang, soang-soang mapiteges mapinunas ring ajeng paryangan desa utawi ring balian sonteng lan sapenuggalannya.
 - Na. Kacatri (pilihan krama desa).
3. Pemangku patut mawiwit sakeng desa pekraman teges
4. Ngadegang pemangku incupa angka (2) patut maduluran pikayun adung (tan kapaksa) ring sang keadegang.
5. Tan kawenang ngadegang dados pamangku luwire:
 - Ha. Cedangga luire : peceng, perot, cungh, lan sepananggilannya.
 - Na. sakit ila, ayam, bongol, buduh, wiadin edan
 - Ca. Sane maduwe kesucian manah tan becik
6. Prabea kepemangkuan :
 - Ha. Adiksa Widi (ngawintenin) kemanggala saha kelaksanayang antuk sang ngadegang mekadi krama desa utawi pangemong desa soang-soang.
 - Na. Mapitra yadnya riwekasanan patut kelaksanayang antuk krama desa.

- Ca. Upacara naur sengkakan miwah sesonan riwekasan patut kelaksanayang santuk sentanannyane utawi warisnya.
7. Pemangku patut ngemanggehang sesananing pemangku luwire tan wenang ajejuden miwah sane tiosan.

PAWOS 35

Swdarmaning Pemangku luwire :

- Ha. Ngenterang upakara utawi yadnya ring paryangan desa pekraman saha keangkat ngenterang upakara ring sajeroning soang-soang pakuban krama.
- Na. Tan wenang salab-sulub yan manurug wenang pemangku inucap nyepuhin raga.
- Ca. Prade sinalih tunggil pemangku kahayangan tiga kapiambeng keinginnyelang pemangku kahyangan desa ring desa, utawi nuur sang sulinggih.
- Ra. Semalihe yening pemangku sampun ngayah tigang rahina ring pura kancit wenten kalugranyane padem pemangku inucap tan keni cuntaka, sakewenten tan kadadosang budal selami piodalan.

PAWOS 36

Perias utawi olih-olihan pemangku luwire :

- Ha. Pah-pahan atanding (kawas).
- Na. Luput ayahan.
- Ca. Luput rerampen

Ra. Polih pengangge arangsukan

Ka. Polih pahan bukti tanah / petegalan

1. Pemangku kegentosin riantukan :

Ha. Seda

Na. Pinunas ngeraga

Ca. Kausanang antuk krama sangkaning melaksanan sane tan patut (Asta
Dusta)

2. Yening wenten jatma tiosan ngaturang upakara-upakara ring kahyangan tan
pesadok ring prajuru desa utawi pemangku desa patut kapidanda manut
perarem, tur ngaturang pesapuh-sapuh manut agama.

3. Yening wenten jatma ngaryanin cendala ring pemangku petut merastistayang
pemangku punika.

PAWOS 38

Kesukertan kahyangan kadi ring sor :

Ha. Tan kelugra ngranjing kepura luwire:

1. Sang ketiban cuntaka mekadi sebel sakeng ngeraga.

- Sebel sekadi ngeraja suala selami durung mebersih.

- Sebel maduwe putra salami durung kepus odel sane lanang sane istri
ngantos 42 rahina utawi akambuhan.

- Sebel ngantenang, selami dereng mabiyakala, miwah cuntaka sangkaning
kepademan manut senger.

- Sebel riantukan madruwe keluarga kepademan/kelayu sekaran selami
dereng ngelaksanayang upakara masapuh utawi nyecb brahma.

2. Anak alit durung mayusa abulan pitung rahina.
 3. Ulaka sahean utawi barang sinaggih ngeletehin.
 4. Sato agung jawaning rikala mepada.
 5. Ulalesana tan manut kadi tata caraning ngranjing kepura.
 6. Sadurung polih wak-wakan (pituduh) praja utawi pemangku desa.
 7. Sahanan anak bebinjat sadurung meprascita
 8. Anak mobot sedurung ngemargiang pawidiwidanaan antuk ngadegang gegawan anak lanang sekadi keris saha kesaksiang anatur prajuru desa.
- Na. Pretingkahe tan wenang ring pura :
1. Masumpah utawi macoran sejawaning polih panugrahan saking prajuru desa, yan anurung kedendain beras 25 kg.
 2. Makobetan, masesenengan, makolem dados asiki lanang istri, mēbacin, mewarih nyangasang pengangge, macecepin anak alit.
 3. Munggah tedun pelinggih sejawaning pituduh utawi pemangku.
- Ca. Sang anurug kecapin ajeng keni pemerascita.

PAWOS 39

1. Yen wentan jatma kerauhan ring pura kengin kapintonin prade rumasa kasumbangayaan yan tan wiyakti, jatma inucap ke sisipan keni pemerascita. .
2. Prade ring khayangan kekanan kapiambeng minekadi kepancabaya pemangku khayangan desa patut gelis nyadokang ring prajuru mangda marumang krama desa tur ngewentenang pemerascita sepatutnyane.

PALET 2
INDIK RESI YADNYA
PAWOS 40

1. Sang madruwe yadnya ngaturang punia ring sang muput yadnya.
2. Prajuru patut ngawas tur ngayunin, mialangin yan wenten pemargi ngelantudin pemargin yadnyane.
3. Sang sulinggih patut ngeriyinang muputang ring wewidangan desa pakeraman Teges sesampune puput wawu kangkat muputang yadnya kedura desa.

PALET
INDIK PITRA YADNYA
PAWOS 41

Pemargin Pitra Yadnya madudonan mekadi ring sor :

1. Sang sapa sireungi sane madruwe kesedaan patut atur supeksa ring prajuru desa adat.
2. Pengupakaran sang kelayu sekaran antuk mendem utawi ngeseng makecihna pekingsang ring ibu pertiwi utawi ring geni selami nuptupang prebeya.
3. Atiwa-tiwa (upakara pengabenan / pelebon).
4. Upakara-upakara pitra yadnya riwusan keabenang mawasta mungguh don bingin mewasta ngeroras wawu kelanturang dewa pitara.

PAWOS 42

Swedarmaning lantetegenan krama, prade wenten sinalih tunggil waga kelayusekaran :

1. Sang kadukitan :

Ha. Nyadokang ring bendesa adat utawi prajuru desa tur nunas tatimbangan ring

- kewetenannyane.

Na. Kangkat ngaturin krama ngerombo mekarya eteh-ete sawe kadulurin panyembrame canang sesida antuk ring sang pangerombo ngater kesetra.

Ca. Para prajuru adat maritetes pemargin sang kadukitan, napi kepacang kependem, makinsang riyin utawi lantur keabenang.

a. Indik salahpati lan ngulahpati manut putusan pesamuan agung para sulinggih lan walaka ring campuan ubud, 21 Oktober 1961 sane kalayusekaran kadi salahpati lan ngulahpati patut kebaos mati beneh (seda biasa), saha kaangkat kaupakara kadi ngupekara sawe seda biasa sane sampun keteah memargi, saha kadulurin antuk upakara penebusan lan pengulangan manut sastra agama hindu.

b. Sang sane seda utawi putus inucap angka (1) utawi seda ring dura desa, rumah sakit lan genah-genah sane tiyosan, sedereng keupakara, keangkat ngajak budal kepekubonnya, saha selanturnyane patut keupakara manut sastra agama.

Ka. Penyanggra desa selanturnyane:

1. Soang-soang krama patut nedunin patus, manut perarem.

2. Ngerombo ngaryanin eteh-ete sawa, saha kesarengin antuk krama sane rawuh medelokan

3. Sami krama desa nganter kesetra ngantos pemedeman puput, lantur krama mebacak.
2. Tan kengin ngelilit sawe langkung ring 7 (pitung) rahina, tur puput polih pagebangan. Yening sampun mesiram anut pactangan prajuru desa.
3. Tan kalugra mendem sawe miwah ngupakara sawa rikala :
 - Ha. Wuku was penganten
 - Na. Semut sedulur.
 - Ca. Kala ngotongn
 - Ra. Larung pegelangan : Waraspati penanggal / panglong ping enem
 - Ka. Gagak among sangpati panglong ping 1,6 miwah 14.
 - Da. Ingkel wong
 - Ta. Rahina jagat :
 1. Purnama
 2. Tilem.
 3. Purwani.
 4. Kajeng Kliwon
 - 5 Pasah.
 6. Buda Wage.
 7. Tumpek.
 8. Buda wage (buda cemeng)
 9. Anggara kasih (anggara kliwon).
 10. Saniscara Umanis Watugunung.
 11. Redite Umanis ukir (piodalan betara guru)
 12. Wuku Walangati, pinanggal ping solas

- Sa. Wuku langkir ngantos bude kliwon pahang (nuncal balung)
- La. Dewasa leluhan, inggih punika ritakala ring pura desa utawi pedadalan nangun karya (piodalan)
4. Prade wenten kelayusekaran rikala piodalan, kengin kesurupang tan maupakara mamargi selid utawi wengi.
 5. Tan kalugra nginepang bang-bang.
 6. Prade sane kelayusekaran ngadut manik, patut manik inucap kawijilang riyin wawu keupakara.
 7. Tata cara ngangge setra manut paetang prajuru miwah dresta.
 8. Prade pacing mendem utawi ngabenang sawe ring setra desa pekraman, sane dereng ngranjing dados warga desa pekraman (kerab) mewit saking desa pekraman tiyos, patut naur penanjung batu kawastanin akeh nyane 150 kg beras.

PAWOS 43

1. Sane kesinanggehang cuntaka mekadi ring sor :

- Ha. Cuntaka antuk kelayusekaran
- Na. Cuntaka antuk ngeraja sewala.
- Ca. Cuntaka antuk ngebasang putra.
- Ra. Cuntaka antuk keruron.
- Ka. Cuntaka antuk sakit ila / buduh
- Da. Cuntaka antuk pawiwahan.
- Ta. Cuntaka antuk gamia gemana.
- Sa. Cuntaka antuk salah timpal

Wa. Cuntaka yening wenten anak istri mabot nenten kaupekara
pabiakawonan tur pawidiwidana.

La. Cuntaka antuk mamitra galang

Ma. Cuntaka antuk yening wenten anak istri ngebasang putra sadurung
maupakara pabiakawonan tur pawidiwidana

2. Sengker cuntaka manut kawentenannyane :

Ha. Cuntaka kelayusekaran, cuntaka nia ngantos kelaksanayang upakara
nyeeb brahma.

Na. Cuntaka ngeraja sewala, tigang rahina ngawit saking ngeraja sewala
utawi selamaning ngeraja sewala.

Ca. Cuntaka antuk ngembasang putra, kepus odel sane lanang ngawit saking
putrane embas sane istri 42 hari utawi tutug gamuan.

Ra. Cuntaka antuk keruron, cuntakania sampun matirta pemerascita

Ka. Cuntaka antuk pawiwahan, cuntakania ngantos sesampune matirta
pabiakawonan

Da. Cuntaka antuk gamia gemana, ngantos sesampune kapalasang utawi
masapihan tur sampun kewentenang pemerascita desa pekraman
kahyangan (manut pararem)

Ta. Cuntaka salah timpal, kapuputang manut sekadi agama Hindu katibakang
antuk krama desa pekraman .

Sa. Cuntaka anak istri mabot nenten keupakara pabiakawonan

Wa. Cuntaka antuk memitra galang cuntakania ngantos ngawentenang
upakara pabiakawonan / pemerascita.

La. Ngembas putra nenten kawentenang upakara pawidiwidana, cuntakania ngantos wenten sane memeras sang putra, tur sampun kewentenang upakara sekadi manut ring ajaran agama Hindu.

Ma. Prade sinalih tunggil warga desa ngembasang putra kembar utawi buncing tan patut kebawos ngeletehin desa dwaning sampunika cuntakania pateh sekadi ngembasang putra biasa

3. Cuntaka kelayusekaran kepademan :

Ha. Kepademan cuntakania :

1. Pengarep, pengapit, pemapas wiadin penumbak ngantos raina kelaksanayang upakara mesapuh miwah nyeeb brahma Rarang
2. Kelayusekaran ngembas putra padem kantun katut puser cuntakania II rahina.
3. Desa pekraman tigang rahina

Na. Keabenan cuntakania :

Sang nyambut pitra yadnya cuntakania ngawit saking ngeplungin utawi ngadegang rauh riwus yadnyania (mepegat) saha sampun mesapuh .

4. Sane katiban cuntaka luwire :

Ha. Kelayusekaran sane kecuntaka inggih punika kulawarga sane lalayusekaran, desa pekraman tigang rahina utawi manut peararem.

Na. Ngraja sewala sane cuntaka sang sane ngraja sewala.

Ca. Ngembas putra sane kecuntaka kulawrga sane ngembas pitra lanang wiadin istri

Ra. Pawiwahan, sane kecuntaka sang sane upacara pawiwahan lanang wiadin istri

Ka. Karuron sane kecuntaka kulawarganya lanang wiadin istri .

Da. Gamia gamana sane kecuntaka sang sane ngelaksanayang gamia gamana.

Ta. Anak istri sane mabot tan kawentenang upakara pabikawonan sane kecuntaka sane meraga istri (sane mabot).

Sa. Manitra ngalang cunatakania sane ngelaksanayang mamitra galang .

Wa. Ngembas putra tan kawenang upakara pawidiwidana sane cuntaka :

1. Sang sane ngembas putra.

2. Putra sane embas.

PAWOS 44

1. Atiwa-tiwa (pengabenan) kalaksanayang manut dresta.

2. Penemayan pengabenan wenten 3 (tigang) pawos.

Ha. Ngaben dadakan/bah bangun, kedadosang awuku sengkernyane utawi 7 (pitung) rahina

Na. Ngaben nusa / ciri-ciri manut pararem

Ca. Ngaben pupulan utawi ngumun nyabran 10 (dasa) warsa apisan nemonin sasih karo, sejawaning wenten parindiktios manut pararem.

PAWOAS 45

1. Pepatusan pengabenan saking krama manut pararem.

2. Sang, adruwe kelayusekaran polih pengrembo saking krama manut piunas sang mayadnya, saha indik petedunan krama lanang wadon manut kewentenan karya tur manut pinunas sang mayadnya.

Ra. Tutug kambuhan utawi 42 (petangdase dua) rahina.

Ka. Nigang sasihin (3 bulan)

Da. Pawetuan /otonan.

Ta. Tutug kelih (ngeraja wedana ngembakin utawi ngeraja singa lanangnya).

Sa. Metatah (mepandes)

Wa. Mawiwaha

La. Mawinten.

3. Upakara-upkara inucap insta, madya, utama manut sastra agama saha catur dresta maka buatan desa dresta ngawinang sima cara desa.

PALET

INDIK BHUTA YADNYA

PAWOS 48

1. Bhuta yadnya inggih punika upakara biakala ring pertiwi lan kahyangan. Sarwe perani saha upakara-upakara ring bebuatan.

2. Upakara biakala ring sarwa perani luire :

Ha. Ring warga tumuwuh ritatkala tumpek pengarah (saniscara kliwon wariga).

Na. Ring sarwa ingon-ingon rikala tumpek uye (saniscara kliwon uye)

Ca. Upakara pekala-kalaan manusa anut wiguna kebaos pabyakala.

3. Upakara pabyakala ring pertiwi, kahyangan lan babuthan kawastanin macaru.

4. Upakara inucap ring ajeng, nista, madya, utama manut wiguna kadi irng sor:

Ha. Eka sata.

Na. Panca sata.

Ca. Panca sanak

Ra. Resi gana

Ka. Taur agung

Da. Malik sumpah

Ta. Panca kelud

5. Sejawaning kadi ring ajeng kawentenang upakara :

Ha. Majot-jotan utawi yadnya sesa nyabran wusan maratengan.

Na. Masapuh-sapuh rikala pacang wali ring pura.

PAWOS 49

1. Satunggiling ngewarsa rikalaning tilem kasanga kawentenang, katah kebaos ngerupuk. Makacihna pacang mapangruhina penyepian benjangnya.
2. Upakara penyepian sane pacang kemargiang antuk krama desa :
 - Ha. Amati geni : tan kengin meapi-api.
 - Na. Amati karya : tan kengin nyambut karya.
 - Ca. Amati lelungan : tan kengin mauneng-unengan, masuara goro lan sepenunggalnya
 - Ra. Amati lelungan : tan kengin malunga-lunga.
3. Peberatan inucap kemargiang saking semeng ngantos bejangne semeng raris kesuarayang kulkul pinaka cihna pengembak.
4. Sang mamurung ring ajeng keni : pamidanda manut perarem desa pekraman saha kemargiang antuk petelik (pecalang desa)
5. Riwus rahina nyepi benjangne maka cihne pengawit icaka warse patut soang-soang warga desa sami ngaksama.

PANCAMAS SARGAH
SUKERTA TATA PAWONGAN

PALET 1

INDIK PAWIWAHAN

PAWOS 50

1. Pawiwahan indik punika patemuning purusa predana malarapan penunggalan kayun suka cita maduluran upacaksi skaiz niskala.

2. Pamargin pawiwahan luwire:

Ha. Pepadikan kamanggalaning antuk kulewarga

Na. Ngerorod, merangkat riyin wawu kakaryanang pebiakawonan

Ca. Nyeburin utawi nyentana, nyeburin risampun nganutin upacara pamerasan.

3. Pidabdab sang pacang mawiwahan patut :

Ha. Sampun manggeh dehe teruna (prasida nganutin Undang-undang Perkawinan)

Na Sangkaning Pedarena (tan Kapaksa)

Ca Manut kecaping agama (tan gamia gamana)

Ra Kawisudayang (sudi Wadani) prade ngambil tiyos agama

4. Pamargin Pawiwahaan mangda taler nganutin Undang-undang Perkawinan saking sang Ngawenangang.

PAWOS 51

1. Pawiwahan sane patut ring desa sekadi ring sor :

Ha. Sampun kemargiang pabyakala utawi mesakapan, kesaksiang sekala
niskala antuk prajuru lan kapuput antuk pandita utawi pinandita.

Na. Wenten prajuru sane mepekeling utawi ngilikitayang.

Ca. Prade sane pawiwahan ketiyos desa, sane nagambil patut nawur prabea
pangeleus akehnyane manut pararem.

Ra. Pawiwahan inucap ring ajeng sampun keileikitayang manut uger-uger
guru wisesa.

2. Perabian sane tan manut ring ajeng sinangih tan patut.

PAWOS 52

1. Pawiwahan sane patut ring desa sekadi ring sor :

Ha. Sampun kemargiang pabyakala utawi mesakapan, kesaksiang sekala
niskala antuk prajuru lan kapuput antuk pandita utawi pinandita.

Na. Wenten prajuru sane mepekeling utawi ngileikitayang pawiwahan.

1. Parikrama jantos ping tiga, saha soang-soang melarapan antuk:

Ha. Canang taksu

Na. Kaping kalih antuk canang lan ajeng ajangkepan

Ca. Kaping tiga antuk tipat bantal kebaos pemuput pepadikan.

2. Risampun kapuput raris sang istri keajak budal ring pakubon sang lanang saha kelantunang antuk pabyakla (mekala -kalan).

3. Mangde patut tumus sekadi niskala, raris kaluwarga purusa makta pejati matipat bantal ring merajan perdana.

Ca. Prade ngerorod? Merangkat patut

1. Reraman lanange ngewentenang pamilaku antuk duta sekirangne kalih diri.

Ra. Sejeroning pakrunan utawi pangelukonan patut :

1. Kemaenggala antuk geng pengampura arep ring rerama wadone.
2. Kaigumang baos idih patidih utawi palegajan arep ring pasuwkaan sang ngidih saha dewasa pakereb kambeane riwekas.
3. Kacihnayang indik kapurusa utawi predana senatane rajeng kajejerang kapatut anak lanang sane kabaos pawiwahan nyeburin, tur risampun sulur pemerasan kategepin kemanggehang sentanae nyeburin.
4. Prade tan terima pemelaku pejati pakrunan kemargiang jantos ping tiga, yening antene sampun nganutin pidabdab sang pacang mawiwaha, upakara patut kelaksanayang saha kamanggala antuk prajuru desa.

Ka. Pekrabkambean mapiteges upakara tindas apadang (puput) mapikurenan dwaning manut sekadi ring sor:

1. Sejeroning kabawos makerebkambe kelaksanayang ring sekala niskala antuk sarana jejauman miwah pawidiwidana :

Ha. Jejauman pinaka ngadungan kayun soang-soang pakulawarga wadone.

Na. Widiwidana pinaka pejati niskala nunas wadone ring pemerajan kemulan.

2. Sejeroning bawos ngerab kambe pelaksane ring sekala :

Ha. Antuk upasaksi krama desa antuk tengeran suara kulkul.

Na. Pemekas penyaksi prajuru saha ngilekitayang.

PALET 2

INDIK NYAPIAN

PAWOS 53

1. Pawiwahan prasida kawusanang antuk palas merabian kepedemenang.
2. Wusan mapikuren riantukan silih tunggil seda mapiteges balu, mekadi balu lanang utawi istri .
3. Palas perabian, inggih punika sangkaning mawiwit wicara. Rumawos (pengadilan negeri) wastu tinas apadang pemutus kebawos nyapian wawu prejuru nyiarang kewentenannyane ring desa.

PAWOS 54

Tata cara palas perabian ring sor :

Ha. Pagunakayan polih pah-pahan risampun kacumponin sareng kalih.

Na. Pabekel tetatadan soang-soang kekuasa niri-niri miwah warisan kekuasa antuk warisan purusa.

Ca. Ngeweruhin miwah ngupajiwa pratisentana manut swadarmaning guru rupaka.

PAWOS 55

Prade riwekas sang palas kecihnan adung malih patut :

Ha. Ngemargiang pawiwahan malih.

Na. Kedanda nikel saking palase manut pararem.

PAWOS 57

1. Sang balu kabinayang dados :

Ha. Balu luh wit sentana (sentane rajeng) miwah balu luh boya sentana.

Na. Balu muani kepurusa (wit sentana) miwah balu muani nyeburin (boya sentana).

2. Swdarmaning balu inucap patut

Ha. Nguasayang waris pagunakayan, tan dados ngadol, ngadeang lan tiyosan punika. Sejawaning kabebasanng saking pianak utawi keluarga pinih tampek saking kurenannya prade pianak kanten alit-alit.

Na. Kengin ngidih sentana prade wenten pidabdab sedurung sinalih tunggil padem, saha keutsahayang antuk kulawarga singgih kepurusa .

Ca. Kewenangang mawiwaha malih, yening sampun mewaneng tigang sasih prade kantong mabot nyantos putrane embas.

PAWOS 57

Balu kaucap tan pageh sekadi ring sor :

Ha. Dratikrama utawi parada.

Na. Matilar saking pakubon tan pesadok jantos 6 (enam) sasih;

Ca. Lempas ring swadharna seos-seosan tan prasida ngeschin salah maprawerti marep ring kulawarga purusa.

PAWOS 58

Sapa ring sire ugi Warga Desa Pakraman Teges tan kapatutung ngerabi wong arabi. prade wenten mamurug kedanda manut perarem saha prade wacarana tan prasida kebawosin ring pakraman patut kasukserahang ring sang ngawewenang.

Palet 3

Indik Sentana

Pawos 59

- (1) Sentana wenten polih pawos, sane kaucap prastisentana miwah sentana peperasan.
- (2) Prastisentana inggih punika sentana sane metu saking pawiwahane kapatut.
- (3) Prade pawiwahan tan patut ngewetuang sentana, mangda tan kantun kewastanain bebinjat utawi astra kemanggala antuk penyanggaskara utawi sesipatan.
- (4) Prade pawiwahane tan ngewetuang sentana kengin ngidih sentana, antuk upasaksi, sekala niskala sane kewastanin sentana peperasan.
- (5) Sentana rajeg inggih punika, prastisentana wadon (predana) sane kemanggehang lanang (purusa) tur risampun ngelaksanayang pawiwahan nyeburin.

(f) Sang sane kearsayang dados sentana rajeg inucap mawiwit angka (5), inggih punika :

Ha. Prastisentana wadon tunggal;

Na. Sampun kemianggehang dados prastisentana lanang (purusa);

Ca. Kepawiwahan keceburin, kautamayang antuk jatma sane me Agama Hindu utawi jatma sane me Agama tiyosan sane sampun kelaksanayang pamarisuda raga utawi sudi wadani;

Ra. Sane ngemanggehang sentana rajeng patut mapasadok ring Prajuru Desa, saha Prajuru Desa patut nyiarang ring desa Pakraman.

Pawos 60

- (1) Ngangkat sentana manut dudonan patut makacihna atha berana pemerasan sane kesaksiang sekala-niskala.
- (2) Sapa sira ugi krama pacang ngidih sentana patut masadok ring Prajuru Desa sanistane asasih sedereng pemerasan.
- (3) Bendesa adat Kangkat kesledii antuk Prajuru tiyosan nyiarang ring sewidangan desa, sang sapa sira ugi rumasa tan lila mangda nguningang masengker kalih wuku sadurung pemerasan, ring Bendesa Adat
- (4) Prajuru desa digelis mawosin saha ngicenin pemutus nepek ring catur dresta miwah perarem.
- (5) Prade sulur peperasan tan manut ring kecaping ajeng, Prajuru Desa wenang ngandeg sang pacang mekarya, saha ngicenin penuntun, mangda kepuputang riyin bebawos /sulur utawi wicarannya.

Pawos 61

(1) Peperasan sane kapatut ring desa risampun makacihna :

Ha. Widhiwidana pemerasan;

Na. Kesaksinin antuk Prajuru, sane makelingang utawi ngilikitayang ;

Ca. Kesiarang ring wewidangan desane.

(2) Sane kapatut peras angge sentana kadi ring sor :

Ha. Jatma me-Agama Hindu;

Na. Kulawarga saking purusa, prada tan wenten kengin saking wadon yening

taler tan wenten wawu kengin sekama-kama (saking kayun);

Ca. Kautamayang saking waris pancer kapurusa;

Ra. Sinalih tunggil mawiwit saking kulawarga tunggal sanggah utawi

merajan, paibon lan dadia utawi ngambilin anak tiyos sake wenten sang

me Agama Hindu.

(3) Kengin ngangkat sentana lintang ring adiri, lanang wiadin wadon;

Palet 4

Indik Warisan

Pawos 62

(1) Warisan inggih punika tetamian artha berana saha ayah-ayah ngupadi sukertan sekala niskala saking keluhurannia arep ring keturunannya.

(2) Sane sinanggeh warisan luwire :-

Ha. Duwe tengah, mekadi karang, kahyangan, pusaka, lan sepenunggalannya;

- Na. Pemerajan utawi sanggah.
- Ca. Pegunakaya, tetatadan, jiwa dana, hutang piutang
- (3) Wawu kengin kebawos warisan prade wenten:
- Ha. Sang mapiturun (pewaris);
- Na. Keturunan (ahli waris);
- Ca. Artha berana miwah tetegenan (ayah-ayah) makacihna warisan.

Pawos 63

- (1) Ahli waris luire:
- Ha. Pratisentana purusa;
- Na. Pratisentana predana (sentana rejeg);
- Ca. Sentana peperasan lanang utawi wadon
- (2) Prade tan wenten sekadi ring ajeng, sane kasinanggeh ahli waris :
- Ha. Turunan purusa pernah ngunggahan, rerama lanang pekak selantur
ipun rerama misan mindon ;
- Na. Turunan kapurusa pernah kesamping mekadi keponakan miwah
mindon

Pawos 64

- Swadarmaning ahli waris patut :
- Ha. Nerima saha ngusahayang tetamian pahan saking keluhurannia,
mekadi ngerempon sanggah, pura saha pengupakarannia miwah
nyelidin ayah-ayahan pewaris;
- Na. Ngabenang pewaris saha ngelanturang upacara-upacara pitra yadnya;

Ca. Nuwurin hutang-hutang pewaris sane manut pengelokika.

Pawos 65

Pengepahan warisan nganutin sekadi ring sor :

Ha. Risampun kelaksanayang pitra yadnya lan hutang-hutang pewaris buntas ketawur ;

Na. Para ahli waris polih pahan pada sangkaning pegunakaya;

Ca. Sinalih tunggil ahli waris kengin tan polih pahan prade :

1. Nilar kawitan lan sesananing Agama.
2. Alpaka Guru Rupaka .
3. Sentana rajeng kesah mawiwaha utawi pratisentana nyeburin, soang-soang kebawos niggal kedaton.

Ra. Boya ahli waris kengin muponin hasil anut dudonan, luwire :

1. Sentana luh, selami dereng kesah mewiwaha utwai alpaka guru miwah prade pianak tan keangkenin antuk wong tua rare inucap, kengin ngewaris wantah pikolih (paguna kaya) sentana luh inucap kemawon .
2. Balu luh wiadin muahi nyeburin (soang-soang boya sentana).
3. Mulih dehe utawi truna, riantukan ring pawiwahane tetatadan/bekel, makacihna paweweh tetep ring pinak sane kesah mawiwaha.

Pawos 66

(1) Prade sajeroning pakulawarga wenten ahli waris langkungan ring adiri patut :

Ha. Kewentenang piaguman indik pedum waris inucap ;

Na. Yen tan prasida katunasang katimbangan ring Prajuru (kerta desa);

Ca. Prade taler tan wenten cumpu ring penepas kerta desa kengin katunasang ring sang rumawos (Pengadilan).

(2) Prade karang inucap kaputungan, patut Prajuru Desa nibakang ring :

Ha. Sang sinanggeh ahli waris manut pawos 64;

Na. Sang kengin anggen sentana anut pawos (2) miwah (3);

Ca. Prade taler tan wenten cumpu ring penepas kerta desa, kengin katunasang ring sang rumawos (Pengadilan Negeri).

SADMAS SARGAH
WICARA LAN PAMIDANDA
Palet 1

Indik Wicara

Pawos 67

(1) Sane wenang mawosin wiadin mutusang wicara ring desa inggih punika Prajuru Desa sinanggeh kerta desa.

(2) Prade sang mawicara tan wenten cumpu ring pemutus kerta desa, kengin nunasang wicara inucap ring sang rumawos (Pengadilan).

Pawus 68

- (1) Sahana wicara mawiwit kecorahan saha luwure sinanggih nungklasin diaging awig-awig pasuara miwah perarem Desa, Prajurit patut digelis mawisin tan nyantos pesadok.
- (2) Sejaba wicara kadi ring ajeng patut nyantusin pesadok sang nunas bawis.
- (3) Penepase patut pastika nyantenang iwang patut melarapan Tri Pramara (Saksi Ilkita, Bukti) miwah tan maren nepek ring Catur Dresta.

Palet 2

Indik Pamidanda

Pawus 69

- (1) Desa wenang niwakang pamidanda ring warga desa sane sisingi;
- (2) Peniwak inucap kelaksanayang olih Bendesa Adat utawi Prajurit Desa;
- (3) Bacakan pamidanda luwure :
 - Ha. Ayahan panukun kesisipan;
 - Na. Danda Artha (Dosa, danda saha panikelnya)
 - Ca. Rerampagan;
 - Ra. Kedaut tanah ayahanya ;
 - Ka. Kesepekang ;
 - Da. Penyanggaskara;
 - Ta. Kawusanang makrame (kawaliang pipilmyane)
- (4) Pamidanda sane katiwakang patut masorsinggih manut ring kesisipane;
- (5) Jinah utawi raja berana pamidanda ngranjing dadas dhuwe Desa;

Palet 3

Indik Rerampagan

Pawos 70

- (1) Krama sane langkuangan ring tigang paruman ngelantur tan nawur urunan, hutang miwah dedendan wenang kerampag.
- (2) Rerampagan ngangge tata cara kadi ring sor :
 - Ha. Kelaksanayang antuk Prajuru kesarengin antuk krama tigang diri pinaka saksi
 - Na. Sang ngerampag saha darsana ngambil artha utawi nyawenin tanem tuwuh, akehnya manut ring hutang sane kerampag;
 - Ca. Prajuru Desa miteketang mangda artha sane kerampag digelis katebus, mesengker awuku ring kutus rahina pacang keadol;
 - Ta. Tan nganinin saluwiring artha sane patut inggilang manut Agama miwah tan mademang pangupajiwa sang kerampag.

Pawos 71

- (1) Prade sang pacang kerampag ngewara (ngalangin) pelaksanaan inucap mewastu sampun tan nganutin awig-awig wenang tanah ayahannya kadaut antuk Desane .
- (2) Samaliha yen wenten purun taler ngalangin pelaksanaan kadi ring ajeng tan wenten pemargi sejawaning kesepakang antuk Krama Desane.
- (3) Pamidanda inucap ring ajeng buntas risampunan sang kekaninin :
 - Ha. Nunas geng pengampura ring Krama Desa riantukan nguak pasubaya (pararem) pecak;

Na. Nawut pengargan penguak pasibayane duk pacang kemmpag kadulurin
prayascita penyapsap kewangan ring desa.

SAPTAMAS SARGAH

NGUWAH-NGUWAHIN AWIG-AWIG

Pawos 72

- (1) Sakaluring sane wenten saderegnya patut kemutang ring sadaging
Awig-awig puniki.
- (2) Sakaluring sane durung kebawes sajeroning Awig-awig puniki patut
kelaksanayang manut tata cara sane sampun memargi kadulurin antuk
perarem-perarem.

ASTAMAS SARGAH

PAMUPUT

Pawos 73

1. Awig-awig puniki kawastanin Awig-Awig Desa Pekraman Teges
2. Awig-awig puniki keraremin duk rahina Bada Wage
3. Awig-awig puniki kelingga tanganin antuk prajuru desa pekraman niwal
kacumponin antuk Perbekel Pempatan lan Camat Rendang
4. Luwire sang melingga tangan

Ha. Prajuru Desa Pekraman,

Penyarikan,

Kelian Desa Pakraman Teges,

I Wayan Wardi

I Wayan Nuarka

Na. Pinaka Saksi,

Kelian Dusun Teges,

Kelian Banjar Adat Teges,

I Nengah Merada

I Nengah Nuada

Ca. Kacumponin Antuk

Perbekel Desa Pempatan,

Camat Rendang,

I Ketut Asmara Jaya

Drs. I Wayan Ardika, M.Si

Kapikukuhang duk rahina Buda Wage Sasih Kapat tanggal Pingpat Saka 1917

Amlapura,
Bupati Kepala Daerah Tingkat II
Karangasem,
